

# ურთიერთთანამშრომლობის მ ე მ ო რ ა ნ დ უ მ ი

სსიპ- ბათუმის ხელოვნების სასწავლო უნივერსიტეტსა

და

ა(ა)იპ „სითი ინსტიტუტი საქართველო“  
(City Institute Georgia) -ს შორის

ბათუმი, 2021

ერთი მხრივ სსიპ-ბათუმის ხელოვნების სასწავლო უნივერსიტეტი (შემდგომში- უნივერსიტეტი), წარმოდგენილი რექტორის, მაია ჭიჭილეიშვილის სახით და მეორე მხრივ, ა(ა)იპ „სითი ინსტიტუტი საქართველო“ (City Institute Georgia) (შემდგომში-„სითი ინსტიტუტი“), წარმოდგენილი დირექტორის, მამუკა სალუქვაძის სახით, ერთობლივად წოდებული როგორც „მხარეები“, ცალ-ცალკე წოდებული როგორც „მხარე“ ვმოქმედებთ რა ურთიერთპატივისცემის, კეთილსინდისიერებისა და ერთმანეთის ინტერესების გათვალისწინებით, ვდებთ წინამდებარე ურთიერთთანამშრომლობის მემორანდუმს (შემდგომში- „მემორანდუმი“) შემდეგზე:

## 1. მემორანდუმის მიზანი

მემორანდუმის მიზანს წარმოადგენს მხარეთა ურთიერთთანამშრომლობა უნივერსიტეტის შესაბამისი სპეციფიკაციისა და მიმართულებების სამეცნიერო-კვლევით პროექტებში და ამ ურთიერთთანამშრომლობის პირობების განსაზღვრა.

## 2. თანამშრომლობის პირობები

### 2.1. უნივერსიტეტი პროექტის ფარგლებში:

- ა) უზრუნველყოფს „სითი ინსტიტუტთან“ შეთანხმებით უნივერსიტეტის სამეცნიერო-ტექნიკური კადრებისა და სტუდენტების ჩართვას ყველა იმ სამუშაოში, რომელიც გამომდინარეობს მემორანდუმის მიზნიდან და არ ეწინააღმდეგება მას;
- ბ) პროექტებზე ურთიერთთანამშრომლობის პროცესში, უზრუნველყოფს „სითი ინსტიტუტის“ ექსპერტებს უნივერსიტეტში არსებული და მიმდინარე სამეცნიერო კვლევებითა და შესაბამისი მატერიალურ-ტექნიკური ბაზით.

### 2.2. „სითი ინსტიტუტი“ პროექტის ფარგლებში:

- ა) უზრუნველყოფს უნივერსიტეტს მიმდინარე პროექტების მსვლელობის შესახებ რეგულარული ინფორმაციით;
- ბ) გაუწევს კოორდინაციას პროექტების განხორციელების მიმდინარეობისას ერთობლივი სამუშაო შეხვედრების ორგანიზებასა და დაინტერესებული მხარეების ჩართულობას;
- გ) უზრუნველყოფს უნივერსიტეტის შესაბამისი მიმართულებების სტუდენტების ჩართულობას პროექტებით გათვალისწინებული შესაბამისი მონაცემებისა და ინფორმაციის შეგროვებასა და ანალიზში, აგრეთვე ყველა იმ ღონისძიებასა და შესასრულებელ სამუშაოში, რომელიც გამომდინარეობს პროექტებიდან და არ ეწინააღმდეგება მას.

### 3. წინამდებარე მემორანდუმის ძალაში შესვლა


მემორანდუმი ძალაში შედის მხარეთა მიერ მისი ხელმოწერის დღიდან.

### 4. დასკვნითი დებულებები

- 4.1. მხარეებს შეუძლიათ ერთობლივი შეთანხმებით შეწყვიტონ წინამდებარე მემორანდუმის მოქმედება. მემორანდუმის მოქმედება შეიძლება ასევე შეწყვეტილ იქნეს ერთ-ერთი მხარის მიერ მეორე მხარისთვის წინასწარ, 1 (ერთი) თვით ადრე მემორანდუმის ცალმხრივად შეწყვეტის შესახებ წერილობითი შეტყობინების გაგზავნის გზით.
- 4.2. მემორანდუმში ყოველი ცვლილების შეტანა საჭიროებს მხარეთა წერილობით შეთანხმებას და წარმოადგენს წინამდებარე მემორანდუმის ნაწილს.
- 4.3. მემორანდუმი შედგენილია ქართულ ენაზე, თანაბარი იურიდიული ძალის მქონე 2 ეგზემპლარად და ინახება ხელმომწერ მხარეებთან.

სსიპ- ბათუმის ხელოვნების სასწავლო უნივერსიტეტის რექტორი

მაია ჭიჭილეიშვილი



ააიპ "სითი ინსტიტუტი საქართველო"-ს დირექტორი

მამუკა სალუქვაძე

